

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**GRAD ŽIVINICE**  
**-Služba civilne zaštite-**  
**Broj: 05-40- službeno/24**  
**Dana: 28.02.2024.godine**

## **TELEVIZIJA ŽIVINICE**

**PREDMET:** Obavijest, dostavlja.-

Pravilnikom o organizovanju i funkcionisanju operativnih centara civilne zaštite ( "Službene novine F BiH", broj:9/19) uređena je organizacija, uslovi i način rada operativnih centara civilne zaštite kao organizacijskih jedinica organa civilne zaštite na području Federacije Bosne i Hercegovine, kao i njihova nadležnost u pogledu prikupljanja informacija koje se odnose na pojavu prirodnih i drugih nesreća koje mogu predstavljati neposrednu prijetnju i realnu opasnost po život i zdravlje stanovništva, kao i prouzročiti štetu na materijalnim i drugim dobrima.

Ovim Pravilnikom utvrđeni su i znaci za uzbunjivanje na području Federacije Bosne i Hercegovine kojima se građani blagovremeno upozore na nadolazeću opasnost, neovisno od toga da li je nadolazeća opasnost, uzrokovana prirodnim nepogodama, ili na drugi način i neovisno od toga da li je u fazi neposredne prijetnje, ili da li je određena vrsta opasnosti u fazi da je već nastupila.

Sistem " ranog upozorenja" na nastanak opasnosti ima za cilj da građani mogu poduzeti odgovarajuće mjere zaštite i spašavanja vlastitih života, života članova svoje porodice, kao i materijalnih i drugih dobara u svom vlasništvu, te da blagovremeno obezbjede nužne količine prehrambenih proizvoda, pitke vode, hrane za životinje i sl.

Jedinstveni znaci za uzbunjivanje na području Federacije Bosne i Hercegovine su:

a)"Upozorenje za nadolazeću opasnost" oglašava se kombinacijom jednoličnog i zavijajućeg tona u trajanju od 60 sekundi ( dva jednolična tona po 20 sekundi koje dijeli zavijajući ton od 20 sekundi;

b)"Neposredna opasnost" oglašava je neprekidnim zavijajućim tonom u trajanju od 60 sekundi;

c)"Prestanak opasnosti" oglašava se jednoličnim tonom u trajanju od 60 sekundi.

U cilju pojašnjenja razloga zbog kojih se povremeno oglašava znak ( zvučni signal) " prestanak opasnosti", obavještavamo građane na području Grada Živinice da se, stavljanjem u funkciju Operativnog centra civilne zaštite grada Živinice, vrši provjera ispravnosti rada uređaja za emitovanje signala i to svakog prvog dana u mjesecu u 12,00 časova emitovanjem signala " prestanak opasnosti", a što će se vršiti i ubuduće.

**PRILOG:**

-Šematski prikaz znakova za uzbunjivanje.

**Pomoćnik Gradonačelnika**

**Enver Jukić**